



17719

kat komp

I

Mag. St. Dr.


P

Romer Casimiri: Oratio funebris in obitum
d. Petri Firlej.

PANEG. et VITAE

Polon. 4.

№ 196.



Oratio Funebris
IN OBITU M

Illustrissimi & Amplissimi Domini,

D. PETRI FIRLEY,

à D A B R O W I C A,

Palatini Lublineñ. Parcouiẽ.

&c. &c. Capitanei.

A U T H O R E

CASIMIRO ROMER, Eloquentiæ in Acade-

mia Cracouiẽ. Studioſo. *Parcho Sigis.*



I.

a.

C R A C O V I Æ,

In Officina Typographicâ Matthiæ Andreouienſis,

Anno Domini, 1619.

*Eruditione, Virtute et moribus Excellenti. Domino Adamo Drasky,
ac Philoſophiæ Magiſtro, &c. &c. D. Hores in ſervina.*

Laudationem hanc funebrem, vitam, mores,
& mortem Illustrissimi & Magnifici D. PETRI
FIRLEY, Palatini Lublinen. breuiter continen-
tem Typis mandari permitto.

M. IACOBVS IANIDLO, I. V. D.
Can. Sand. Acad. Crac. Procanc.
& Generalis R E C T O R.

BIBLIOTH. UNIV.



JAGIELLOŃSKIE

17719 I

de la Bibliotheque
d' HYACINTHE PRZYBYLSKI.

In Arma Illustriss. Familiae FIRLEIANÆ.



Quid sibi Stemma notet? Leopardus in ardua tendens,
Cum pedibus nixus scandere ad astra cupit.
Pro Patriæ semper vigilans, & robore fortes,
Hæc fera, FIRLEIOS, enituisse docet.
Si Leopardæ feræ possent polum, & astra mereri
Iam pridem dignus, tu Leopardæ Polo es.

Illustribus & Generosis Dominis,
D. STANISLAO, & D. PETRO,
D. NICOLAO, ac D. IOANNI, FIRLEIS.

Illustrissimi pie memorie Domini,
D. PETRI FIRLEY
à D A B R O W I C A,
Palatini Lublinen: Parcouien. &c. &c.
Capitanei.

M A G N Æ S P E I F I L I I S.



EXPLORANDA ista quam ex
obitu Illustriss. Domini, D. Paren-
tis vestri accepistis acerbitas, ILLV-
STRES & GENEROSI DOMI-
NI, me quoque in luctum coniecit.
*Etenim cuius antea virtus, & admirabilis integri-
tas, ad hominum famam, & existimationem pro-
fluxerat, eiusdem inopinatus occasus facile omni-
um consternauit animos. Utinam verò, neque vos
ita lacrymis grauis mæror afflixisset, neque ego
istam malè comptam dictionem, morienti potius
quam*

quàm viuenti destinâſſem. Sed quoniam ea eſt,
rerum humanarum conditio, ut læta triftibus,
dulcia amaris, temperentur, parere tempori de-
creui, atq; Illuſtriſſimum, Parentem vobiscum
ſimul, hæc oratione ad vltimum uſq; rogam pro-
ſequi. Eſt cur doleamus omnes, cum eo enim fu-
nere, pietatem ſimul, inſignem amorem Patriæ,
prudentiam ſingularem, videmus efferri: meum
in vos propenſiſſimum ſtudium, liberali veſtrâ
humanitate, & beneuolentiâ excitatum & nutri-
tum, eam mihi extorſit ſcriptionem, in quâ etſi ver-
borum gravitatem, ſententiârû maiestatem, ut
à Tyrone frequentius, cultum & obſervantiam,
ut à Domus veſtræ inclytæ deditiſſimo, nunquam
requiratis. DEVM OPT. MAX. rogo, ut vos
ex iſto luſcū erectos, in maiorem Auguſtiſſimæ Fa-
milie ſplendorem, Patriæ chariſſimæ ornamen-
tum, ſeruet diu incolumes, & florentes. Datum
è Contubernio Hieroſolymitano, XVIII. Sept.
Anno Domini, 1619.

Illuſtribus ac Generoſis D. D. V. V.
Obſequentiſſimus.

CASIMIRVS ROMER.

ОЛДІМІРІУС ЛОДІ

Oratio Funebris.



Quoniam meo fato fieri dicam, ut in quem paulò ante Oratione meâ celebrâdum maiori cum impetu ferebar: is subito ex oculis meis ereptus, lamenta & querelas suggerat. Quis non miretur, vel potius non vereatur, rerum humanarum inconstantiam, si toties cogitationum & consiliorum nostrorum, spes eluduntur? Nuper aspicio, in ipso robore & maturitate, florentem honoribus virtutem, summi in Republicâ viri PETRI FIRLEY, Palatini Lublinen: propono mihi meisq; ad imitandum, perfectissimum exemplar, obseruo diuini decoris lineamenta, quâ priuatim, quâ publicè splendida, depromo stylum, & ecce sol iste subtrahit radios. Quanta quis crederet ex vnius hominis obitu, in familiam nobilissimam, in prouinciam amplissi-

plissimam, in Rempublicam florētissimam,
consternatio. Conqueritur illustris sobo-
les subtractum sibi, ad domesticam gloriam
ducem, & præcessorem, desiderat clarissi-
mus nobilitatis ordo, lucis suæ propagato-
rem ac conseruatorem, luget clientum, ac
seruorum turba, patronum ac defensorem,
Respublica vniuersa, dignitatis suæ vindi-
cem, & amplificatorem extinctum dolet.
Quid ego? Solus sine lacrymis, in tanto lu-
ctu omnium versabor, cuius animus in diui-
ni istius viri beneuolentiâ, & patrocínio cō-
quiescere destinauerat? Nec sum adeo sa-
xeus inter tot acres dolorū stimulos, vt pos-
sim, nec eâ affectus in excelsam virtutē, vo-
luntate, vt velim. Sed cū nullis ille hominū
votis, nullis querimoniis, iterū in lucē re-
uocari queat, vertā me ad cōsolationis in-
quisitionē. Quæ cum in maximis virtutibus
illius lateat, conabor eas in apertum pro-
ferre: sic leuationem ægritudini, sic eloquē-
tiæ amicus materiam exercitationi aptissi-
mā, me inuenturum spero. Non enim totus

am, tus ille extinctus est, sed corpus, vt conditio
bo- naturæ illius ferebat, viuere desiit, animus
iam autem, & rerum eius in corpore gestarum
iffi- gloria, multorum aures peruagata, vitam
ato- incipit viuere illam admirabilem, quæ po-
a, ac steritatem alit, æternitatem intuetur. In hu-
em, ius ego splendorem, cûperem diuini alicu-
ndi- ius Oratoris vim effundere; ea enim est am-
let. plitudo & materies in eo illustrium heroû
lu- exemplo, vt omnem superet illustris & ma-
iui- gnificæ, Orationis apparatus. Quod si ru-
cõ- diori penicillo præstantissimi Viri maiesta-
sa- tem obscurauero, data tyroni venia, lauda-
oof- tam semper in magnis rebus, vel incæptio-
vo- nem, fauore ac beneuolentiâ vestrà, Illustres
inû ac Generosi Viri promouete.

Atq; in primis, cû altissimarum virtu-
tum proprius sit locus in nobilissimis fami-
liis, quæ cû patrimonijs imagines, & or-
namenta animorum, cum ipso statim san-
guine transfundunt in posteros, ex quantâ
censetis claritate, ortum esse admirabilem

B

hunc

hunc virum, qui vñdiq; clarissimarū actio-
num radios proiiciebat. Est in excelsō Rei-
publicæ istius loco, antiquissima Domus
FIRLEIORVM, quæ stirpem vltra trecentos
annos propagat generosam; ex quā Sena-
torum sublellia, Equitum dignitas, Sacer-
dotum amplitudo, continua & splendidis-
sima semper habuit ornamenta, quæq; per
fortissimos Viros, celeberrimos Imperato-
res, potentissimos Duces, cognationis & af-
finitatis suæ ramos extendit latissime. Non
est necesse, me tanquam ex catalogo, lon-
gius recensere lucidissima, fortissimorum
& sapientissimorum Leopardorum exem-
pla: quæ magna in luce Patriæ collocata,
disertissimorum scriptorum ingenijs cele-
brata sunt. Quis enim non nouit PETROS,
NICOLAOS, IOANNES, ANDREAS, domi
forisq; factis immortalibus splēdidissimos
ex hâc gente Viros, grauissimos ludices, Sa-
pientissimos Palatinos, moderatissimos Ca-
stellanos, felicissimos Imperatores, qui vt
olim

olim Romanorum Decij, in confertissimos
sefe hostium exercitus immittentes, post-
quam terrore omnia compleuerunt, me-
mores Sarmatici nominis, & gloriæ, pro
salute communi toties se paratissimas vi-
ctimas obtulerunt. Horum animos hor-
rendus orbi Baiazetes fugiebat, horum
impetus Tartarorum latrocinia, vt sibi fata-
les nimum declinabant. Sed nec consilij
grauitas, & præstantia multis literis & pe-
regrinationibus quæsitæ defuit FIRLEIS: quid
opus est virorum inductione, si vbiq; hoc
est. Cæteros fieri, FIRLEIOS nasci sapien-
tes. Ex hâc tam refertâ semper nobilissimis
viris familiâ, prodijt is quem lugendo admi-
ramur. PETRVS Palatinus Lublinen: qui
ad IOANNIS Palatini & Capitanei Cracou:
Patris sui, maxima decora plurimum nouæ
lucis, ex proprijs virtutibus adiecit. quippe
naturæ ipsius bonitas, eam vultui, oculis, v-
niuersoq; corpori, dignitatem impresserat,
vt quiuis cognosceret Principis Senatoris,

ex Generosissimâ BONARORVM gēte, Principis matronæ filium. Ea oris vultusq; lineamentorum conformatio, ea corporis fuit pulchritudo, vt ex ipso aspectu significatio quædam ingenitæ virtutis, Senatorij decoris, humanitatis, mansuetudinis, liberalitatis, nec non splendidioris honestatis emicaret. Ingenium sortitus diuinum, ad quæq; honestissima sponte ferebatur. Vt quemadmodum in herbescenti segetum viriditate, certa spes futuræ mæsis apparet, sic in magnâ indole pueri, qualis postea futurus erat, facilis esset coniectura. Non ille generis solâ excelsitate elatus, ocio quod est pestis iuuenum at labori qui est gloriæ parēs, totum se consecrauerat. Ætas enim illa imbecillior sapientissimorum parentum consilijs innixa, nihil adeo atq; sanguine suo indignum fugiebat. Ducebatur sæpius vt Papyrius alter, in Senatum, in deliberationes grauissimarum rerum, vt iusticiâ, consilio, prudentiâ, reliquisq; virtutibus, ciue bono dignif.

dignissimis, à primis statim vnguiculis im-
bueretur: suisq; curiosis, ingenium tamen
significantibus interrogatiunculis, grauissi-
mum parentem recreabat. Vt verò cùm
ætate florētiori, florere quoq; pulchrius cæ-
pit, in alienas terras, cum moderno Reue-^{Henricus}
rendissimo Episcopo Plocense, suo germa-^{mus Plocen}
no missus est. Solet enim in magnâ etiam ^{1624. Ab}
disciplinæ, seueritate, Principum iuuentus ^{Gnefen. ecc.}
adulationibus ministrorum, ab illa directâ
virtutis ratione, ad omnes iucunditatum il-
lecebras deflectere. Iuit ergo nobile pigno-
rum paternorum par in Germaniam, Itali-
am, Galliam, aliasq; remotas terras, quæsi-
tum suæ Ciuitati, quam plurimas & preci-
osissimas diuitias. Quocunq; se conferebat
lumen illud iuuentutis, in magnam admira-
tionem rapiebantur populorum animi, æ-^{adulescent}
tas enim fuit adolescentiæ, sermones & fa-^{et viri moribz}
cta virorum. Nihil suspiciebant, quod non
esset, cum dignitate coniunctum, audie-
bant nihil, quod non suæ Reipublicæ, ali-

quando esset profuturū, si quid erat in laude militari illustre, si quid in re ciuili florēs, si quid in Ecclesiā splendidum, singula notabant, obseruabant, vt aliqui Romanorum Cornelij aut Æmilij. Quapropter in Patriam cum venissent desideratissimi, cum honoribus maximis, à Principe, & Republicā quærebantur. Quis enim non amaret illam diuinam mentem, atq; virtutem iuuenum qui in Patriæ salute, atq; dignitate, omnia sua studia, primo statim tempore collocarunt. Quanta in vitæ ratione temperantiâ, in actionibus ciuilibus, & domesticis industria, in officijs sibi commissis dignitas. Et Illustrissimus quidem Dominus, D. HENRICVS Ecclesiæ vsui, & ornamento se deuouerat. NOSTER hic Palatinus, & domi, & foris Ciuē Reipublicæ natum, memorem sui nominis, imitatoremq; Maiorum, se præstare voluit. Vita quippe periculis circumdata, cui comes esset gloria, magis capiebatur, quàm domestico ocio, malebatq; vt alter A-

ter Achilles, per medias hostiū acies, volitare quērēdo immortalitatē. Itaq; à maioribus accepta exēpla, diligenti studio conseruare, conseruata præclaris gestis ornare, ornata virtutibus illustrare, illustrata ad posteros integerrimè transmittere laudabiliter instituit. Quis est qui desiderat bellicam illius industriam? Reducite vobis in memoriam, graues illas in Liuoniam, Transyluaniam, expeditiones, quæ militem illum, viribus fortem, consilio validum, ætate florentem intuebātur. Quā ille fortitudine, nefarios conatus hostium represserit? quā diligentia, omnes dolos eorum euitarit? loquetur semper annalium vetustas. Vita in eo incendit charitatem Patriæ, vt iucundum haberet relictā domo, relictis fortunis, pro Republicā, quæ omnium caritates complexa est, discrimen vitæ subire, vt aliorum vitæ securitatem afferret, virtutem feliciter efferentem se, & foras emicātem, dēclararet. O incredibilem animi fortitudi-

titudinem, o singularem ingenij dexteritatem, o inuictum pectoris robur, quod nulla potuit conuellere, aut labefactare temporum rerumq; asperrimarum tempestas. Publicâ re bello compositâ, & aucta, domum redijt illustrior nouâ ex factis claritate, non vt pleriq; solent fastu, ac æmulatione elatus: verum cum paribus, officiorum æmulatione, cum minoribus, humanitate, cum omnibus, fide, & animo, optimo certare paratissimus. Atq; cum in lucem ordinum veniret, frequentius, opes illas ingenij sui, summâ cum voluptate, & admiratione vniuersorum exponebat. Præcipua illi fuit cura innocentum, quos à potentiore insolentiâ, consilijs, suasionibus, authoritate, omnibusq; viribus defendebat; exemplo verò suo ad seruandam legum æqualitatem cohortabatur. Quem enim vnquam etiam laecessitus læsit, de quo, quàm optimè mereri non studuit? cui hospitalitatem non seruauit? fidem non tenuit? nihil detrahebat seueritas

ueritas clementiæ, grauitas hilaritati, honori humanitas. Huius tam glorioſe inſtitutæ vitæ, ſociam & adiutricem acceperat, ex Nobiliſſimâ WLODKORVM Familiâ Hedvigem, ex quâ vt fæcundiſſimâ vite, ſuſcepit nō indignas ſe propagines. quarum flos pulcher, licet nunc funebri iſtâ pompâ velatus ſit, reuiſceſcet tamen & aſſurget, atq; hanc domus quam lugemus, ruinam reparabit nouis maximarum virtutum incremētis. Quis non videat ingeneroſiſſimâ prole reuiuiſcere laudatum Patrem, cuius illi non lineamenta modo corporis, ſed ſplendidiffimam imaginem animi, referunt feliciffimè. Non igitur, PETRVS FIRLEY obiit? at pro ſe vno, tot illuſtres olim futuros dedit STANNISLAOS, PETROS, NICOLAOS, & IOANNES, certiſſimæ generoſitatis ſemina, Filias pudoris, & integritatis, viua exemplaria. Cū enim intelligeret ſapientiſſimus atq; optimus Pater, fundamentum eſſe Ciuilis ſocietatis, rectam inſtitutionem, ac honeſtam

C

libero-

liberorum educationem, ex se virtutis ve-
riq; laboris documenta, tenellis adhuc in-
genijs, monstrabat artium & virtutum, e-
xercitationes. Sic commendabat, vt non e-
xistimarent sine illis nomen illustre Maio-
rum, futurum. Nec dubitamus, quin parē-
tum vestigijs innixi, in eadem loca honoris,
& gloriæ sint successuri. His enim artibus
instructus, & splendidissimos Castellana-
tus, & Palatinatus dignitatem: ex cuius lu-
ce in maiorem cōmigrauit, est assequutus.
Erat profectò plenum admiratione, spe-
ctare in Principe sellâ Senatoriâ, Virum in-
tegritate & continentîâ illibatâ, qui ques-
ito coniugij fructu, secundas nuptias ne co-
gitare quidem, sed totum illi tempus hone-
statis, pietatis, consumebatur. Quid plura?
nullam penè agendi occasionem prætermi-
sit, hospitalitati, pauperum necessitati, tem-
plis struendis, reficiendis, ornandis, amico-
rum negotijs, officijs, summo cum studio &
diligentiâ, semper vacauit. Neq; metue-
bat, vt

bat, vt alijs inferuiēdo, citius ipse extingue-
retur: hanc enim esse principis in Ciuitate
viri personam cognouerat, quæ aliorum v-
sibus pateret. Atq; dum ijs virtutum lumi-
nibus splenderet, suæ in primis familiæ, vni-
uersæque, domui splendere voluit. Nam vt
omittam liberos, quorum ipse primus esse
voluit, vt alter Cato Romanus institutor,
Quos secum comites habebat, propter vi-
uum exemplar, ac sermonem solebat eos
frequentius ad Dei cultum, ad omne decus,
disertissimâ oratione inflammare. Suade-
bat autem ijs, qui aliquam literarum cogni-
tionem haberent, vt quo ad fieri possit, suis
insisterent vestigijs, lectione bonorum scri-
ptorum, quoties ocium esset, occuparen-
tur. Non raro visus est, Heros optimus à su-
is cubicularijs, noctes diesq; in orationibus,
in humi cubationibus ponere. Quid mul-
tis? si religionem in illo miramur? deuotissi-
mum aliquem Sacerdotem putaremus. Si
ocij rationem? hominem ex mediâ Acade-

miâ cum libris perpetuo agentem, si con-
uersationem lumen ciuis optimi, & exem-
plum aliorum. Sciebat prudenter tempo-
ri, consueta sua priuata negotia, incidenti-
bus communibus, vel publicis accommo-
dare, vt effugeret omnem reprehensionis
suspicionem. Cogitate ipsius fectorum ce-
lebritates, Viri Nobilissimi, cum vel præte-
raret vel inuiseret, domos vestras, qui occur-
sus, quæ deductiones, quæ lætitiarum ve-
strarum significationes, fuerunt, cum in eū
tanquam in commune perfugium, solati-
um, ornamentum, oculos vestros conijce-
ritis. Quis enim reperitur? qui magnificē-
tiam singularem, huius Viri non aspexit?
quem latet? quas ille impensas, quos sum-
ptus, in bonum commune fecit. Mausole-
um Crofnæ, in sempiternam nominis sui
memoriam, constructum est, templa per
pagos pluscula, eius liberalitate erecta ac
dotata, vicini aucti, & ornati, Coloni recre-
ati, quasi ad ipsam beneficentiam vniuer-
forum

forum, natus esset : ita omnium linguis affectibus, studijs colebatur, ac prædicabatur. Quot egenos inopiâ pressos aluit? quot imbecillitati, morbi ac miserijs, obnoxios iuuit? quot religiosorum familias, benignè habuit. Floruit sub eo, regina omnium virtutum Iusticia, clara apud DEVM, comperta & probata, apud bonos viros, qui vindicias innocentiaë, extirpationem improbitatis, toties illi gratulabantur. Amauit ille cum alia honesta omnia, tum concordiam in primis, & animorum cõsensum, intestina odia, & discordias, capitales Reipublicæ pestes, quæ non poterant coallescere declinavit. O literatorum capita præclara, quàm iucundè ille eruditissimis sermonibus vestris fruebatur. Sed & vos quàm voluptate & attentione audiistis differentē, quando de obscuris, dilucidè, de confusis, ac perturbatis ordinatè differebat, eorum postulata libentissimè agnoscebat, petentibus iusta non negabat. Si quid autem negare in

videbatur, ita tamen usus est lenitate sermo-
nis, ut eos quibus negabat, placatos à se di-
mitteret. Hæc & similia laudis illius solidis-
sima fundamenta, cum sint innumera, no-
bis quidem gratissimâ recordatione cogi-
tanda: Clarissimis vero liberis, quod iam
faciunt imitanda relinquo. Ex fine discite
ante actam vitam: venerat in urbem hanc
ut attritæ publicis laboribus valetudini,
suppetias ferret: primum tamen censuit ha-
bendam esse animæ rationem. Huic ubi pro-
spexit, sensim cæpit debilior fieri, Medico-
rum suasu componit se ad quietem, quæ so-
la plerumq; gravissimos dolores tollere cõ-
suevit? at inualecente morbo, mutat con-
siliu, vim vi studet repellere? at naturæ in-
firmitas nõ fuit par dolori. In eâ morbi gra-
uitate, qui tunc erant sui Collegæ, atq; a-
mici in vrbe, ægrum inuiserunt, ut Illustriss:
Dominus D. Palatinus Cracouien: Nicola-
us Zebrzydowski. Item Dominus Georgius
Dux Zbaruiensis, Capitaneus Pincensis.

Gene-

Generosus D. Bartholomæus Nowodwor-
ski, Eques Militiæ Melitenfis, Ordinis S. Io-^{Commerci}
annis Baptistiæ Hierosolymitani, & alij mul-^{S. Joannis,}
ti, quorum ille officia cōplexus, & exoscu-^{Grand intr-}
latus, postquam: (& de Reipublica, & de
leniēda ægritudine, plurimū loquutifunt)
amantissimè eos à se dimisit. Iam sentiebat
suum hoc diuersorium ruinam minari, se in
domum æternitatis vocari: alium medicū
poposcit. Hic accersitus ut venit, pec-
catorum labeculam: (si qua humanitūs ad-
heserat) ipsius profundis gemitibus, & v-
bertim manantibus lacrymis deterfit, pur-
gatum maculis animum, ad speculum diui-
næ bonitatis, & veritatis cōuertit: mirumq;
in modum ex Euangeliorum promissis, est
consolatus. Hærebat in cogitatione, æter-
norum temporum ferè per triduum in quâ,
collecto vehementi desiderio panis cælestis
accipiēdi, vnum illud in ore habuit, ut quam
primū sub tam vili specie, pro se humilita-
tā maiestatem Dei, aspiceret. Postquam ad-
uenta-

uentare Dominum sensit, in quos lacrymarum fluuios, repente fusus est, in quam profundam suæ vilitatis cognitionem, cogitationem, demersitque animus ille, humilitate Christianâ generosissimus, suam indignitatem protestatus, vt misericordiam seueri iudicis queat placare. Osculatus reuerenter Crucem, quæ præferebatur, quâ potuit in ægritudine corporis, nec nō animi veneratione, suscepit in hospitium cordis sui CREATOREM, tum ab illo petere cæpit, ne se dereliqueret, vsq; quaq; patientiâ aduersus dolorem firmaret animum, efficeretq; vt conformis esset, in omnibus suæ, sapientissimæ & misericordissimæ voluntati, seu viuendum seu emigrandum inde foret. In illo feruore, grauem simul effudit Orationem ad circumstantes, vt monerent liberos timoris DEI, studij in Rempublicam, laboris pro Patriâ, maxime eius, in quo positus ipse erat extremi periculi. Tādē precatus à religiosis, qui aderant, vt se Domino diligentius com-

com-


15
mendarēt, preciosissimam animam ei qui
eam suo sanguine æstimauit, in manus red-
didit. Et hic quidem Clarissime Senator
tui cursus fuit exitus, noster vero dolor,
qui Te Patrono orbatī sumus. Iacentem Te
intuemur, qui multos iacentes erigere, &
exanimem, qui exanimatis, animum redde-
re consueueras, vitā carentem, qui vitæ
subsidia benignissimè ac liberalissimè sub-
ministrabas. Heu Collegiū Senatus, quā
graue vulnus accepisti? Heu Ecclesiæ Or-
do, quantum patronum amisisti? Vir erat
omni genere, ac laudum cumulatus, insi-
gne speculum religionis, excellens ornamē-
tum literarum, illustre domicilium virtutū,
firmissimum præsidium, & columna nobi-
litis. Merito lacrymis omnium nostrum
oculi madent? Sublata enim est nobis lux,
cuius splendore illustrabamur, detracta co-
rona capitibus nostris, vnde ornamenta ca-
piebamus, erepta anchora, quā spes nostras
fulciebamus. Occidit sol tuus alta FIRLF-

D

LORVM

IORVM Domus, pulla & lugubris vestis, qua-
si nubes texit omnia: suspiria, gemitus, la-
mentationes, vndiq; te circumuolitant. Tu
verò contra istas fortunæ tempestates, sta
ut soles firma, qui te in eas contraxit angus-
tias, qui in te eam immisit nubem, idem ex
alto est recreatus, magnitudine animi tui
cōpensabit iacturam, erumpente mox cla-
ritate dignorum Patre, Filiorum: quanquā
& ille; si præsto nunc fuerit, gemitus Ve-
stros releuaret. Viuit enim vitā multo splē-
didiori, cum DEO suo, quem vitam suam
credit, & vitam amauit. Viuit & nobiscum,
& viuet rectè factorū ipsius memoria, sem-
piterna. Quod enim solubile fuit, naturæ
redditum est, quod autem propriā virtute,
meritis in Patriam, facilitate, & humanita-
te, in omnes comparatum est, nun-
quam potest in mortis venire
potestatem.





Pg. 114.

Biblioteka Jagiellońska



stdr0009742

